

Na osnovu člana 34. Zakona o radu Federacije Bosne i Hercegovine („Službeni novine Federacije Bosne i Hercegovine“, broj: 26/16 i 89/18), člana 38. Pravilnika o radu JU Predškolski odgoj i obrazovanje Zenica i Saglasnosti Gradonačelnika o potrebi prijema lica na stručnom osposobljavanju bez zasnivanja radnog odnosa broj: 02-49-23634/19 od 31.10.2019. godine, a shodno članu 40. stav 1. tačka g) Zakona o predškolskom odgoju i obrazovanju ZDK ( Službene novine ZDK broj: 7/10 ) i članu 48. Pravila Ustanove, direktor raspisuje:

**J A V N I O G L A S**  
za prijem lica po osnovu Ugovora o stručnom osposobljavanju  
bez zasnivanja radnog odnosa

**I. – Naziv**

Naziv: profesor predškolskog odgoja sa završenom visokom stručnom spremom (VII stepen), ili završen najmanje prvi ciklus školovanja dodiplomskog studija koji je vrednovan sa 180 ili 240 ECTS bodova – šest (6) izvršitelja.

**II. – Opis poslova**

Opis poslova: lice na stručnom osposobljavanju bez zasnivanja radnog odnosa će obavljati poslove „odgajatelja“ na određeno vrijeme u trajanju od godinu dana u cilju osposobljavanja za samostalan rad u okviru svoje struke i sticanja radnog iskustva potrebnog za polaganje stručnog ispita. Odgajatelj obavlja poslove i zadatke iz oblasti odgojno-obrazovnog rada sa djecom u skladu sa Zakonom, Cjelovitim razvojnim programom predškolskog odgoja i obrazovanja i utvrđenom metodologijom.

**III. – Trajanje ugovora**

Trajanje ugovora: ugovor o stručnom osposobljavanju bez zasnivanja radnog odnosa, u trajanju do jedne godine.

**IV. – Mjesto rada**

Mjesto rada: JU Predškolski odgoj i obrazovanje Zenica

**V. – Opći i posebni uvjeti**

Opći uvjeti: kandidat koji se prijavljuje mora ispunjavati sljedeće opće uvjete propisane Zakonom o radu :

1. da ima navršenih 18 godina života
2. da je državljanin Bosne i Hercegovine
3. da protiv njega nije pokrenut krivični postupak za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno s namjerom u skladu s krivičnim zakonima u Bosni i Hercegovini
4. da nije obuhvaćen odredbom člana IX. stav 1. Ustava Bosne i Hercegovine

Pored općih uvjeta propisanih zakonom, kandidati moraju ispunjavati i posebne uvjete:

1. završena visoka stručna sprema (VII stepen) ili završen najmanje prvi ciklus školovanja dodiplomskog studija koji je vrednovan sa 180 ili 240 ECTS bodova, profesor predškolskog odgoja.
2. da nema ostvaren radni staž više od jedne godine nakon stečene visoke stručne spreme.

**VI. – POTREBNI DOKUMENTI**

Kandidati su dužni uz prijavu, koju su svojeručno potpisali, s kratkom biografijom, dostaviti i sljedeće dokumente:

1. diploma ili potvrda izdana od visokoškolske ustanove o diplomiranju (potvrda ne može biti starija od jedne godine odnosno od roka potrebnog za izdavanje diplome).
2. potvrda Zavoda za zapošljavanje da nema ostvaren staž više od jedne godine nakon stečene visoke stručne spreme.

Svu dokumentaciju treba dostaviti u originalu ili ovjerene kopije. Traženi dokumenti ne podliježu vraćanju.

Napomena:

Izabrani kandidat dužan je prije potpisivanja Ugovora o stručnom osposobljavanju bez zasnivanja radnog odnosa dostaviti rodni list, uvjerenje o državljanstvu, izjavu da nije obuhvaćen odredbom člana IX. stav 1. Ustava Bosne i Hercegovine (danom pod materijalnom i kaznenom odgovornošću), ovjerena kod nadležnog općinskog tijela uprave u mjestu prebivališta, ne starija od tri mjeseca i potvrdu da protiv njega nije pokrenut krivični postupak za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno s namjerom u skladu s krivičnim zakonima u Bosni i Hercegovini (original odnosno ovjerena fotokopija), ne stariju od tri mjeseca, u suprotnom neće doći do potpisivanja ugovora, odnosno, kandidat se skida s liste uspješnih kandidata.

Zaprimljene prijave će razmotriti posebno formirana komisija koja će obaviti intervjue sa kandidatima koji su dostavili dokumente tražene javnim oglasom nakon čega će se utvrditi rang lista kandidata. O detaljima vremena i mjesta održavanja kandidati će biti naknadno obaviješteni. Nakon provedenog postupka javnog oglasa, direktor ustanove će donijeti odluku o prijemu lica sa kojima će se zaključiti ugovor o stručnom osposobljavanju bez zasnivanja radnog odnosa.

Javni oglas ostaje otvoren 8 (osam) dana od dana objavljivanja.

Sve tražene dokumente treba dostaviti poštom preporučeno na adresu:

Bosna i Hercegovina

Federacija Bosne i Hercegovine

JU Predškolski odgoj i obrazovanje Zenica,

Ezhera Eze Arnautovića 5,

72000 Zenica,

s naznakom: „Javni oglas za prijem radnika na stručnom osposobljavanju bez zasnivanja radnog odnosa“ – ne otvaraj.

Nepotpune, neuredne i nepravovremene prijave neće se uzeti u razmatranje.